



DEN NORSKE KYRKJA

Tingvoll kyrkjelege fellestråd

VEDTEKTER FOR KYRKJEGARDANE og GRAVPLASSENE I TINGVOLL KOMMUNE

gjeve i medhald av lov av 7. juni 1996 nr. 32 om kyrkjegarder, kremasjon og gravferd (gravferdsloven) § 21.

Vedteke av Tingvoll kyrkjelege fellestråd 10.6.1997, med endringar sist av 10.12.2002.

Godkjent av Møre bispedømeråd 18.8.1997, med endringar godkjent sist 10.12.2002.

§ 1. KYRKJEGARDSTILHØYRING

Avlidne personar i kommunen skal gravleggjast på den kyrkjegarden i kommunen som ein måtte ønskje, dersom dei ikkje vert gravlagde i ein annan kommune.

Andre avlidne personar kan gravleggjast i kommunen så langt ein har plass til det, mot at det vert betalt avgift ved gravlegging og festeavgift tilsvarande fredingstida.

§ 2. FREDINGSTID OG FESTETID

Festeperiode er 10 år.

Fredingstid for urnegrav er 20 år.

Fredingstid for kistegraver er 20 år med følgjande unntak:

Hanem gravplass:

Gravfelt D, rekkje 1 og Y rekkje 1: 40 år

Gravfelt A, B, C, D rekkje 2-7, E, F, G, H og Y rekkje 2-7 er stengt for kistegravlegging med unntak for ektemake/sambuar til dei som alt er gravlagt.

Straumsnes kyrkjegard:

Gravfelt B, C rekkje 1-7 (M-G), D rekkje 1-7 (M-G), E rekkje 1-7: 30 år

Gravfelt C rekkje 8-10 (F-D), D rekkje 8-10 (F-D), E rekkje 8-10, F: 40 år

Gravfelt C rekkje 11-13 (C-A), D rekkje 11-13 (C-A), E rekkje 11-14, G: 50 år

Tingvoll kyrkjegard:

Gravfelt A2B rekkjene 1-4, A2C rekkjene 1-4: 30 år

Gravfelt D, E, G rekkje 4 til 7 gravene 13-24: 40 år

Gravfelt A, B, C, F, G rekkje 2 til 6 gravene 1-11, H, J, K, L, M, O, P, T, U, Z, A2A, A2B rekkjene 5-8, A2C rekkjene 5-8, A2D, A2F og A2G: 50 år

Gravfelt N vert stengt for kistegravlegging. Det gjeld unntak for ektemake/sambuar til dei som alt er gravlagde der. Gravfelt Q er stengt for både kistegravlegging og urnenedsetjing.

VEDTAK sak F 49/06:

Mellomalderkyrkjegarden, gravfelt A – B – H – I - KJ stengast som kistegravleggingsfelt. Unntak er attlevande etter tidlegare avdøde ektemake. Urner kan framleis settast ned på gravområdet.

Torjulvågen gravplass:

Vedtak sak F 10/99, F 42/01

Gravfelt I, rekkje 1 stengast for kistegravlegging. Deler av kistegrav skal kunne brukast til vegtrassé.

§ 3. FESTE AV GRAV

Når kistegrav vert teke i bruk, er det høve til å feste ei grav ved sidan av og etter godkjenning frå kyrkjeleg fellelråd for ytterlegare ei ekstra grav i tillegg når det er bruk for det. Desse gravene utgjer då ein gravstad.

Når fredingstida/festetida er ute, kan gravstaden festast for nye 10 år. Når det er gått 60 år etter siste gravlegging, kan festet ikkje fornyast utan særskilt samtykkje frå kyrkjeleg fellelråd.

I god tid før festetida er ute skal festaren varslast. Er festet ikkje fornya innan 6 månader, fell gravstaden tilbake til kyrkjegarden.

Ingen kan gravleggjast i festa gravstad utan samtykkje frå festaren. Dersom festaren sitt samtykkje ikkje kan innhentast, kan kyrkjeleg fellelråd avgjere spørsmålet om gravlegging.

Festaren pliktar å melde frå om endring av adresse.

§ 4. GRAV OG GRAVMINNE

Kyrkjegardstilsette vil syte for at grava vert planert og tilsådd etter gravlegging. Montering av gravminne kan tidlegast skje 6 månader etter gravlegging av kiste. Ein kan mellombels setje opp ein enkel trekross med namnet på avlidne.

Gravminnet skal plasserast sentralt i enden av grava som er brukt, og vert ståande der. Dette gjeld også felles gravminne for fleire graver (gravstad), viss ikkje kyrkjeleg fellelråd gjev pålegg om anna plassering.

Det er ikkje høve til å bruke faste dekorting, så som blomsterurner, lykter, med vidare, som stikker ut frå gravminnet, eller på anna vis kan vere til fare for kyrkjegardstilsette eller vitjande på kyrkjegarden.

§ 5. PLANTEFELT

Framfor gravminnet er det høve til å opparbeide eit plantefelt i høgd med bakken rundt. Det må ikkje vere breiare enn breidda på gravminnet, men kan i alle høve vere opptil 60 cm breitt. Det kan ikkje stikke lengre fram enn 60 cm, målt frå bakkanten på gravminnet.

Det kan ikkje plantast vokstrar som er høgare enn høgda på gravminnet, eller kjem utanfor plantefeltet.

Det er ikkje høve til å bruke faste dekorting, så som liggjande plater, blomsterurner, lykter m.v. i plantefeltet. Det er ikkje høve til å ramme inn grava eller delar av grava med hekk eller daude materialar. Plantefeltet kan likevel innrammast med ein delt natursteinskant som fluktar med terrenget rundt.

Dersom det ikkje er aktuelt å ha plantefelt, skal det vere grasbakke på alle sider av gravminnet.

§ 6. PLANTETILFANG

Planter, kransar og liknande tilfang som vert nytta ved gravferd eller ved pynting av grav og som endar som avfall, skal vere heilt komposterbart.

§ 7. STELL AV GRAV

Den som er ansvarleg for frigrav eller er gravfestar har rett og plikt til å stelle grava han har ansvar for. Plantefelt som ikkje vert tilplanta og stelt skal såast til av den ansvarlege eller av kyrkjegardstilsette.

§ 8. GRAVLEGAT

Mot innbetaling av ein bestemt sum til gravlegat, vil kyrkjelege fellesråd overta ansvar for planting og stell av gravstaden. Gravlegatet vert forvalta av fellesrådet sin daglege leiar (kyrkjeverja) som legatstyrar. Den innbetalte summen med tillegg av renter skal dekkje utgiftene til vanleg planting og stell av gravstaden for eit fastsett tidsrom. Det skal i kvart einskild høve opprettast legatavtale.

Gravlegat kan ikkje opprettast slik at det varer lenger enn den fredingstida eller festetida som ligg framføre. Dersom det oppstår slike økonomiske tilhøve i legattida at midlane ikkje strekkjer til, skal legatstyraren gje melding om dette til festaren eller ansvarshavande for grava. Då er det høve til å auke legatet slik at det varer den avtalte tida ut. Elles vil vedlikehaldet av plantinga opphøyre når midlane er oppbrukte.

Dersom det er midlar att av legatet når tida er ute, kan dei brukast av kyrkjeleg fellesråd til å gjere kyrkjegarden vakrare.

Gravlegatet vert forvalta i fellesskap, men legatstyrar fører eigen rekneskap for kvart legat som vert revidert årleg. Det er høve til å rekne provisjon for administrasjon og revisjon av legatmidlane.

§ 9. BEVARING AV GRAV/MONUMENT

Eit område av Tingvoll kyrkjegard, med nemning felt A, B, H, I (J) og K, og vidare eit område av Straumsnes kyrkjegard, med nemning felt C og D, er underlagt særskilte føresegn såleis: Føremålet med bevaring er å ta vare på eit kyrkjegardsmiljø på den delen av kyrkjegarden der ein har særskilt mange gravminne frå gamal tid.

I den grad grunntilhøva tillet det, kan ein setje ned kiste, elles berre urne, i nemnte gravfelt.

Gravutstyr på nemnte områd skal så langt det er mogleg bevarast. Borttaking av gravutstyr skal drøftast av fellesrådet på førehand.

Det er ikkje høve til å setje opp nye gravminne på nemnte område utan at dette er særskilt vurdert og godkjent av fellesrådet på førehand.

Fellesrådet kan fråfalle festeavgift for graver med gravminne av stor kulturhistorisk verdi, når ansvarleg for grava i staden brukar midla til å halde gravminne godt vedlike.

§ 10. BÅREROM

Kyrkjeleg fellestråd disponerer bårerom. Slike rom skal berre nyttast til å ta vare på avlidne i tida fram til gravferda. Ingen har tilgjenge utan etter løyve, men rommet kan brukast av pårørande til liksyning. Dette kan skje utan medverknad av kyrkjeleg tilsette.

§ 11. NÆRINGSVERKSEMD

Næringsdrivande som ønskjer å drive verksemd på kyrkjegarden skal ha løyve frå kyrkjelege fellestråd. Løyvet kan kallast tilbake viss vedkomande ikkje retter seg etter dei reglane som gjeld. Slik verksemd kan berre gjelde montering og vedlikehald av gravminner og planting og stell på graver.

Kyrkjetilsette kan ikkje mot godtgjersle utføre tenester for private eller næringsdrivande. Dei kan heller ikkje medverke ved sal av varer eller tenester som har med kyrkjegarden å gjere.

§ 12. ANDRE TILHØVE

Tilhøve som ikkje er nemnt i kyrkjegardsføresegnene vert avgjort av kyrkjeleg fellestråd.

Frå ”Forskrift til gravferdslova”

Kapittel III. Gravminner

§ 20. Merking av grav

På fri grav som ikkje er anonym grav og på festet grav og gravsted kan det plasseres gravminne. Med gravminne forstås minnesmerke med navn og data på den gravlagte. Det skal som regel bare plasseres ett gravminne på hvert gravsted.

Andre minnesmerker enn gravminner kan bare plasseres på kirkegård dersom bispedømmerådet gir samtykke til det.

Fester av grav eller ansvarlig for fri grav er eier av vedkommende gravminne.

§ 21. Tekst m.m.

Tekst, fotografi, dekor og symbolbruk på gravminne skal være sømmelig, og det navn som settes på skal være identisk med navnet på den som er gravlagt. Personer som er omkommet på havet, i krig eller liknende og som ikke er gravlagt på kirkegård, kan likevel få navnet satt på eksisterende eller nytt gravminne.

Kirkelig fellestråd kan gi tillatelse til at navn på person påføres gravminne på en eksisterende grav et annet sted enn der vedkommende er gravlagt. Navnet må da fjernes fra det opprinnelige gravminnet.

Eieren skal besørge fjerning av gravminne fra grav som ikke festes. Dersom kirkegårdsmyndighetene fjerner gravminne, skal navn og data tas bort.

§ 22. Kvalitet

Til gravminne og fast tilbehør kan bare anvendes materialer som er bestandige og lite vedlikeholdskrevende. Det skal tåle de påkjenninger det utsettes for av klimaet og ved vanlig drift og vedlikehold av kirkegården.

§ 23. Dimensjoner

Gravminne skal ikke være høyere enn 150 cm, bredere enn 85 cm og tykkere enn 60 cm, begrenset slik at største høyde x største bredde x største tykkelse ikke overstiger 0,2 m³ og vekten ikke overstiger 300 kg.

På graver mindre enn 2,4 x 1,2 m skal gravminne ikke være høyere enn 80 cm, bredere enn 75 cm og tykkere enn 60 cm, begrenset slik at største høyde x største bredde x største tykkelse ikke overstiger 0,1 m³ og vekten ikke overstiger 150 kg.

Når særlige grunner tilsier det, kan bispedømmerrådet fravike bestemmelsene i denne paragraf.

§ 24. Sikring

Stående gravminne i stein skal festes til fundament i stein med to 15 cm lange og 12 mm tykke syrefaste bolter.

Fundament skal ha en form og en størrelse som forhindrer at gravminnet kan veltes og skal i bunnen ha en anleggsflate som er dobbelt så bred som gravminnets tykkelse. Gravminne som er mer enn 60 cm høyt skal ha en fundamentybde som utgjør minst 20 % av gravminnets høyde over bakken. Fundament skal ikke være synlig over bakken.

Når særlige grunner tilsier det, kan kirkelig fellesråd skjerpe eller lempe kravene etter denne paragrafen.

§ 25. Godkjenning

Kirkelig fellesråd skal godkjenne gravminne og fundament før det settes opp på kirkegården. Gravminne skal monteres på anvist plass.

§ 26. Ansvar

Eieren er ansvarlig for at gravminne ikke er i forfall, til sjenanse eller til fare for dem som ferdes på kirkegården. Når fellesrådet finner det nødvendig, skal eieren varsles med pålegg om å bringe gravminnet i overensstemmelse med de krav som er stilt i forskrift og vedtekter. Dersom eieren unnlater å etterkomme slikt pålegg eller det er uvisst hvor eieren befinner seg, kan fellesrådet sette i verk tiltak som er nødvendig for å bringe gravminnet i orden, herunder fjerne gravminnet.

§ 27. Bevaring

Kirkelig fellesråd kan vedta at områder av kirkegården eller enkeltgraver med gravminner og annet utstyr skal bevares. Slikt vedtak kan bl.a. gjøres dersom gravminner på et område av kirkegården eller en grav er av en viss alder, at det representerer en stilhistorie, har et lokalt særpreget i form eller materialbruk, gir uttrykk for en interessant personhistorie eller er unikt.